



Nefndarsvið Alþingis  
nefndarsvid@althingi.is  
150 Reykjavík

**Alþingi**  
**Erindi nr. P 140/2347**  
**komudagur 10.5.2012**

Reykjavík 10. maí 2012  
Tilv. 748. mál

**Efni: Umsögn um þingskjal 1186– 748. mál – Frumvarp til laga um Ríkisútvarpið, fjölmiðil í almannabágu.**

Í framhaldi af tölvupósti nefndarsviðs Alþingis d. 2. maí 2012 þar sem óskað er eftir umsögn SÍK um þingskjal 1186 – 748. mál þá vill SÍK – Samband íslenskra kvikmyndaframleiðenda koma eftirfarandi athugasemdum á framfæri:

Í II kafla frumvarpsins 3. gr. 2. m.gr. stendur: „Ríkisútvarpið skal framleiða og miðla vönduðu og fjölbreyttu efni ...“

SÍK leggur til að í stað orðsins „framleiða“ verði orðin „**senda út**“ notuð.

Það er skoðun okkar að aukið gegnsæi og aukinn aðskilnaður milli útvarpsþjónustu í almannabágu og annarar starfsemi Ríkisútvarpsins feli í sér möguleika á að skapa eðlilegri viðskipti við sjálfstæða framleiðendur og ekkert sé því til fyrirstöðu að bjóða út alla framleiðslu, aðra en fréttir og fréttatengt efni, til sjálfstæðra framleiðenda. Í ljósi reynslu okkar, er það vísátt okkar að slíkt fyrirkomulag muni leiða til aukinnar hagkvæmni í framleiðslu sem muni skila áhorfendum vandaðra efni á betra verði.

Það ber að hafa í huga að sjálfstæðir framleiðendur hafa nú þegar með höndum umfangsmikla framleiðslu í þágu Ríkisútvarpsins og annarra sjónvarpsstöðva á Íslandi. Eins og landsmenn þekkja hefur framleiðsla þessi skilað mjög góðu sjónvarpsefni sem mikilla vinsælda hefur notið. Augljóst er að útboð þessa efnis myndi styðja mjög við og efla framleiðslu íslensks sjónvarps- og kvikmyndaefnis, ennfremur myndi aukast nýsköpun, gæði og fjölbreytileiki á þessu sviði menningarinnar. Ekki verður séð að nein haldbær rök fyrir því að Ríkisútvarpinu sé nauðsyn á að framleiða ofangreint sjónvarpsefni á eigin vegum.

Framleiðslustarfsemi Ríkisútvarpsins er í beinni samkeppni við sjálfstæða framleiðendur í landinu og ætti öllum að vera ljóst að samkeppni sjálfstæðra framleiðenda, sem eingöngu þurfa að reida sig á markaðinn, við Ríkisútvarpið er ójafn leikur enda byggir Ríkisútvarpið á einhliða ákveðnum tekjustofnum, þ.e. lögbundnum áskriftargjöldum. Stjórn SÍK gerir það því að tillögu sinni að öll framleiðsla sjónvarpsefnis, annað en fréttir og fréttategnt efni verði boðið út til sjálfstæðra framleiðenda.

Þar sem þessi lög munu hafa veruleg áhrif á framleiðsluumhverfi á Íslandi finnst okkur mjög mikilvægt að endurmeta þá fjölmiðlaþjónustu í almannabágu sem Ríkisútvarpið veitir við gildistöku laga þessara. Sérstaklega í ljósi þess að í Samkomulagi um stefnumörkun fyrir íslenska kvikmyndagerð og kvikmyndamenningu árin 2012-2015, sem fjármálaráðuneytið og menntamála- og menningarmálaráðuneytið gerðu við fagfélög í kvikmyndagerð þann 8. des. 2011, en þar, segir í 4 grein:



### Ríkisútvarpið

Með nýjum lögum um Ríkisútvarpið verður samningur um útvarpsþjónustu í almannabágu milli mennta- og menningarmálaráðuneytisins og Ríkisútvarpsins endurskoðaður. Meðal markmiða þeirrar endurskoðunar verður að efla hlutverk Ríkisútvarpsins sem þátttakanda í íslenskri kvikmyndagerð. Liður í því er að stuðla að nýsköpun og auka hlutfall þjónustutekna Ríkisútvarpsins sem varið verður til kaupa á efni frá sjálfstæðum íslenskum kvikmyndaframleiðendum.

SÍK fagnar því að sjá komið inn í frumvarpið ákvæði VII til bráðabirgða: **Eigi síðar en sex mánuðum eftir gildistöku laga þessara skulu Ríkisútvarpið og ráðherra endurskoða samning um útvarpsþjónustu í almannabágu með hliðsjón af ákvæðum laga þessara.**

Í tengslum við þetta minnir SÍK á mikilvægt hlutverk Ríkisútvarpsins sem meðframleiðenda á íslensku efni og treystir því að í áður nefndum samningi verði sambærileg ákvæði og eru í gildi í Danmörku höfð að leiðarljósi. Eins og öllum er kunnugt hafa Danir byggt upp mjög öflugan kvikmyndaiðnað á síðustu árum og er samkomulag við ríkisreknu sjónvarpsstöðvarnar þar annar af tveimur hornsteinum í framleiðslu innlends efnis í Danmörku.

Jafnframt leggur SÍK til að inn í lögnum verði skýrt kveðið á um ákvæði um lágmarkshlutdeild af útsendu efni á kjörtíma verði frá sjálfstæðum framleiðendum, en slíkt ákvæði var í eldri lögum en virðist ekki hafa verið tekið áfram við endurskoðun laganna og að tryggt verði einhverju hærra en í fyrri lögum.

SÍK vill að lokum fagna því að inn í frumvarpið í III kafla, 10 gr. 2 m.gr. er komið ákvæði um að stjórn Ríkisútvarpsins móti dagskrárstefnu og meginstefnu Ríkisútvarpsins til lengri tíma og leggur til að skýrt verði kveðið á um endurskoða slíkrar stefnu með reglulegum hætti, sem og að dagskrárstefna Ríkisútvarpsins verði kynnt með viðunandi hætti.

Með bestu kveðju,

f.h. hönd SÍK – Sambands íslenskra kvikmyndaframleiðenda



Hilmar Sigurðsson  
formaður SÍK  
[chairman@producers.is](mailto:chairman@producers.is)